

皇朝實錄

三十
八冊

大清世祖體天隆運英睿欽文大德弘功至仁純孝
章皇帝寔錄卷之六十九

順治九年冬十月己亥朔祭

太廟 遣官祭

福陵

昭陵

四祖陵 頒時憲曆順天舉行鄉飲酒礼 叙辰州

戰功加總兵官都督同知一等阿達哈、番兼一
拖沙喇哈番徐勇左都督仍加授二等阿思哈、
番署叅將拖沙喇哈番張鵬副將仍加授拜他喇

布勒哈番兼一拖沙喇哈番署都司僉書吳光鷲
署遊擊都司僉書周良三李垣守備薛自成胡景
崇崔自恭金一簡都司署守備張奎尤廉都司僉
書俱照舊管事授隨征官陳友貴等四十員俱署
守備

庚子

免江南沛縣六年至八年水災逋賦 裁工部各
監局太監一百十三名及匠役看守軍役一百七
十五名 以故拜他喇布勒哈番覺羅海瀾伯子
碩洛襲職 平南王尚可喜靖南王耿繼茂奏報

恢復海南情形言臣于正月中整兵南下沿途餘
孽欽趾偽總兵蔡奎歸順抵廉遣呂應學等攻克
欽靈陣擒偽總兵袁勝偽南陽侯李克胤偽鎮平
伯周朝等斬偽總兵止官星拱偽益陽王等惟賊
渠李明忠遁走雷州偽軍門杜永和偽博興侯張
月等同偽西平王朱聿鏗縛明忠來降臣即斬明
忠以徇計高雷廉瓊四郡前後投誠官共二百八
十一員獲銀印關防等物甚下所司

辛丑

賜內大臣蝦釜儀衛官擺牙喇甲喇章京乳公包

衣牛录章京包衣大御前執役人員守

昭陵章京八旗固山額真梅勒章京燾章京尚書侍
郎啟心郎寺馬各一匹

壬寅

諭兵部曰朕覽徐勇捷奏該鎮將道府寺官和衷
協力堅守孤城大挫賊鋒朕心嘉悅所有鎮將等
官已經加陞其在事有功各官兵仍應通行賞賚
徐勇着賞鎰金盔甲一頂副鍍金撒袋一副弓矢
一具鍍金玲瓏鞍轡一副頭等馬一匹貂帽一頂
蟒衣一襲靴一双鍍金玲瓏鞵帶一束鍍金玲瓏

腰刀一口劉昇祚着賞鍍金玲瓏鞍轡一副頭等
馬一匹貂帽一頂蟒衣一襲靴一双鍍金玲瓏鞵
帶一束鍍金順刀一口張鵬吳光鷲着各賞鍍金
盔甲一頂副鍍金撒袋一副弓矢一具鍍金玲瓏
鞍轡一副二等馬一匹貂帽一頂蟒衣一襲靴一
隻鍍金玲瓏鞵帶一束鍍金腰刀一口王任杞着
賞鍍金玲瓏鞍轡一副二等馬一匹貂帽一頂蟒
衣一襲靴一隻鍍金鞵帶一束鍍金順刀一口薛
自成胡景崇張奎金一箇崔自恭着各賞鍍金盔
甲一頂副鍍金撒袋一副弓矢一具漆鞍鍍金玲

瓏鞞轡一副三寸馬一匹貂帽一頂蟒衣一襲靴
一双鍍金鞞帶一束鍍金腰刀一口周良三李墳
着各賞漆鞍鍍金玲瓏鞞轡一副三寸馬一匹尤
廉黃贊明瞿廷諧楊來鳳着各賞皮鞍鍍金玲瓏
鞞轡一副三寸馬一匹陳友貴等四十員着各賞
鑲領緞袍一領再着戶部撥銀一千兩聽徐勇公
賞効力兵丁務使均沾實惠兵部速差滿洲官員
押送徐勇軍前用昭朕嘉獎至意 兵部左給事
中陳調元請旨修省以回天災疏曰天人一体相
因順逆至道不爽從來安不虛生緣政而起近見

大白經天与日月並現此正天心仁愛人君而以
象告之者也凡人于父母之怒必積誠以動之悔
過以感之人主敬天亦然伏望側躬俸省勅勵中
外大小臣工各脩回天之政各陳弭災之策問今
之罹水旱者何以免于溝壑弭盜賊者何以分其
玉石圖占之外何以帖于井里析揚之下何以免
於覆盆議蠲矣何以即免於剝瘡議賑矣何以果
與之果腹至於根本之地尤在

朝廷而激應之援全繫
君德試思以

祖宗通承之御體何以保重而遂于荒以帝王相傳
之聖德何以效法而勿惑于邪三院輔臣何以調
陰陽而引為推納六部大臣何以策安攘而奠之
苞桑言跖諸臣何以尽力闡沃而悉小之民依封
疆諸臣何以救民水火而成好生之德從此事
憂勤時：休慄庶呼吸可以上通和氣可以立效
矣報聞 平南王尚可喜報官兵克復梧州

癸卯

戶部題覆科臣魏裔介疏內積穀節省禁遏糴旌
輸粟四事及臺臣王東東疏內士紳富民倡義
助賑者給以頂帶服色紀錄一事請各省所議下
督撫遵行以救災荒報可 以工部理事官隋達
為管理織造掌印理事官

丙午

免陝西三水華亭洋縣六年分中傷水雹被災額
賦 達賴喇嘛奏聞

上欲於代噶地方相見不勝懼忤自當兼程而進更
有密語去使面奏

丁未

賜浙閩總督劉清泰勅曰近日海寇鄭成功等屢

次騷擾沿海郡縣本應剪除朕但思昔年大兵下
閩伊父鄭芝龍首先歸順其子弟何忍輩棄父兄
獨作叛逆此必地方官不体朕意行事乖張鄭成
功等雖有心向化無路上達又見伊父歸順之後
睿王令人者守防範又不計其在籍親人作何思
養安插以致成功等疑惧反測朕又思鄭芝龍既
久經歸順其子弟即朕赤子何必征剿若成功等
來歸順即可用之海上何必赴京今已令鄭芝龍
作書宣布朕之誠意遣人注諭成功及伊弟鄭鴻
奎等知悉如執迷不悟尔即進剿如芝龍家人回
信到閩成功鴻奎等果發良心悔罪過尔即一面
奏報一面遣才幹官一二員到彼審察歸順的實
許以赦罪授官听駐劄原住地方不必赴京允浙
閩廣東海寇俱責成防剿其注來洋船俱着管理
稽察奸宄輸納稅課若能擒斬海中偽藩逆渠不
吝爵賞此朕厚待歸誠大臣至意尔当推誠開心
令彼悅服仍詳籌熟察勿墮狡謀

戊申

遣固山額真庫祿克達爾漢阿賴率官兵駐防西
安 併江寧倉差于西安關

已酉

陞兵部啟心郎祝萬年為內翰林秘書院學士
以屈尽美為兵部啟心郎查木蘊為兵部理事官
薩齊庫安朱護阿爾山永愛羅多舒格俱為刑部
理事官以正紅旗滿洲固山甲喇章京料魁為蒙
古固山梅勒章京鑲黃旗滿洲固山擺牙喇甲喇
章京巫沙為噶布什賢章京鑲黃旗滿洲固山三
等蝦岳拜正紅旗滿洲固山格德宏俱為擺牙喇
甲喇章京正紅旗滿洲固山阿納海穆成格俱為
甲喇章京授乳公喀喇為二等阿達哈：番

理藩院以外藩王貝勒貝子公等元旦來朝事具
題命今年王貝勒貝子公等來朝著停止每旗着
遣大臣照旧進羊酒 浙江道御史李成紀疏奏
行取太平府推官刘之琦被池州民陳輝訐其貪
汙不應濫膺考選大典具揭奏聞

上曰考選固宜嚴慎但小民申訴當由督撫按衙門
果冤抑不申當赴通政司及擊登聞鼓若言官接
一私揭即具一奏疏揭奏日繁風日長刁成何政
体李成紀念新進未諳姑着飭行刘之琦官詳着
該督撫按嚴察以聞

庚戌

命和碩承澤親王碩塞等往迎達賴喇嘛并諭達
賴喇嘛曰前者朕降諭故親往迎迓近以盜賊間
發羽檄間聞國家重務難以輕置是以不能前往
特遣和碩承澤親王及內大臣代迎當悉朕不能
親行之意故諭

壬子

宴沂聖公孔興燮博士孔毓麟顏紹緒曾聞達孟
貞仁仲于陞等于礼部 調刑部尚書劉餘祐為
戶部尚書 吏部覆礼科給事中劉餘謨疏言滿

洲蒙古烏真超哈裁缺各官仍留頂帶候補其年
老乞休告病調理者准用原銜頂帶至於贈廕一
事滿洲蒙古烏真超哈在外督撫在內部院及固
山下甲喇章京三品以上等官勿論有無妻襲係
三年任滿勤事以死者俱准贈廕送之 宴外藩
蒙古二十七固山聽事頭目于礼部 夜月生暈

癸丑

上御太和殿召江南督學御史楊義述倉御史張文
炳諭之曰督學御史之設原為考試生童拔其文
行優長者以儲國用迺聞不論文行但徇情面殊

虧學臣職掌今遣尔督理學改其生負應嚴加考
試文義不通者概行褫黜童生入學亦必視其文
行優長方行收錄若仍蹈旧習事廢重地不宥至
逃倉御史一差已完者即當報已完未完者即當
報未完今聞未完者隱匿不報已足者勒指不收
致稽遲貽悞弊竇多端今遣尔巡視當嚴察完欠
尽除積弊倘不改前轍罪难尔貸也 免霸州東
安果又安縣逃丁丁糧 直隸昌平道僉事亢發
祥聖多索驛遞夫馬降二級調用 工科副理事
官散都言汶古帝王開國首重訓迪子孫誠以富

貴之極恐不習學而荒蕪以輔翼君德俾傳法後
世以成致治之盛也我朝宗支繁衍允諸王貝勒
貝子公等皆股肱親臣出則受命專征入則參贊
庶政責任較注代更重今年多少壯宜倣前朝旧
制選官教授及時勸學使之肆力詩書通達礼義
則宗室人才輩出德器日成後代聖子神孫豈
收輔翼之实效矣章下所司 以故二寺阿達哈
哈番綽納巴魯子瑣諾木拜他喇布勒哈番兼
一拖沙喇哈番隋哈侄商吉魯叟塞子已郎各襲
職 以致土一寺阿達哈二番王之屏子有功拜

他喇布勒哈番張去奇兄世能平西王下三寺阿
達哈、番潘如芳子潤各襲職

甲寅

授溫齊哈為鎮國公 命浙江道試監察御史李
成紀巡按蘄松河南道試監察御史李植巡按河
南江南道試監察御史林起宗巡按江寧湖廣道
試監察御史祖永杰巡按山東福建道試監察御
史王道新巡視茶馬 以內院大孝士希福范文
程顏色黑戶部尚書車克禮部尚書蒼羅郎兵
部尚書蒙古固山額真明安達禮刑部尚書蒙古

固山額真濟什哈工部尚書具能為議政大臣
平西王吳三桂定西將軍固山額真墨勒根墩奏
臣懇孫可望遣偽撫南王刘文秀偽將軍王復臣
等率馬步兵五萬人犯西南臣等退師保寧為決
戰固守之計值賊黨薄城下連營十五里臣等親
往迎敵我兵奮勇橫衝賊中大潰擒斬復臣及偽
將等二百餘員賊兵四萬餘級獲偽印象馬器械
無算下兵部議叙 解刑部尚書藍拜任以蒼羅
巴哈納為刑部尚書 以正白旗滿洲固山額真
為本旗梅勒章京

丙辰

修練湖闌工成

丁巳

定宗室宗族無名爵女俱各照其夫及子官職封
贈 礼部題本月二十九日午時上

太宗文皇帝

懿靖大貴妃暨

康惠湫妃尊號像注前期一日遣官祭告

宗廟是日陳設

而妃像仗于宮中內院礼部官進宮院於

而妃座前各設黃案一東傍設黃案二鹵簿全設不

動太和殿內設彩輿二置冊于輿內

上陞殿覽訖彩輿起

上陞輦諸王文武百官不隨內大臣嘏內院礼部官

後隨由左翼門出至

妃宮門

上降輦請

而妃各具礼服升座彩輿至宮門外住捧冊官捧冊

由中道進官置冊於左邊黃案上引礼官引

上至宮門內拜位上立鴻臚寺官唱進冊捧冊官各

從左邊黃案上捧冊跪左邊進

上

上受冊立敵右邊官各跪接置於

西妃座前案上進畢鴻臚寺官贊宣冊官跪宣

訖復置案上女官四員捧冊置於

西妃座前鴻臚寺官贊

上行三跪九叩頭禮畢

西妃及

上各還宮次日

上御太和殿諸王以下行慶賀禮報可

戊午

命世子濟度多羅信郡王多尼多羅安郡王兵樂
多羅敏郡王勒都多羅貝勒尚善杜爾祐杜蘭議
政 予故寧夏巡撫都察院右副都御史李鑑祭
墓如例 命幸學陪祀孔顏曾孟仲五姓生員孔
尚燃等十五人俱照例入監

庚申

命廣東道試監察御史王胤祚巡按湖北江西道
試監察御史高尔位巡按陝西 陞四川按察使
吳一元為本省布政使司右布政使湖廣上京南

道叅議彭三益為廣東按察司副使海南道辰州
府知府王任杞為廣東按察司付使邕海道南陽
府同知楊春芳為四川按察司僉事上川東道福
建運使張子珽為江西布政使司叅政湖西道吏
部郎中李皓為陝西按察使付使榆林東路道山
西雁門道叅議余應魁為陝西按察司付使驛傳
道揚州府知府張元璘為浙江按察司付使金衢
道山東提學道叅議鍾性樸為本省按察司副使
兗西道滄州知府龐宗周為山東按察司僉事沂
州道補原任山西岢嵐道副使接希昊為陝西按

察司副使靖遠道

編修曹本榮應詔上言

皇上親政以來良法美意漸見施行而猶水旱潦臻

星辰失次何欵誠以

聖學未邁而紀綱未張也何謂

聖學

皇上得二帝三王之統當以二帝三王之學為學凡

四書六經及統鑑中有裨身心要務治平大道者

內則朝夕討論外則筵筵進講

君德既成天命自相与流通矣何謂紀綱

皇上開天肇造舉措規模當為

聖子神孫計深遠用人何以獎廉而禁貪理財何以
藏富而用足刑罰何以為折民之典制度何以備
一代之規誠宜重政本以一机務之權漸嚴奉行
以責綜覈之实效一切章奏事宜必須接見補弼
大臣商確定奪經制一定子孫得以遵守矣
報聞

辛酉

調征廣東燾章京阿尔津為安西將軍全固山額
真馬喇希鎮守漢中賜之勅曰今逆賊侵犯四川
阿尔津以尔為安西將軍同馬喇希總統官兵前

赴漢中平西王吳三桂定西將軍墨勒根蝦處駐
劄漢中保固地方整禦兵馬賊若入犯会同平西
王墨勒根蝦相机剷除其進証四川事宜着候明
旨凡事与梅勒章京等會議而行毋謂自知不听
人言毋謂兵強輕視逆效仍嚴偵探勿致疎虞抗
拒不順者戮之迫而後降者誅之有先被賊脅逆
聞大兵一至即時迎降者俱免誅戮如有殺賊擒
賊投誠者仍分別陞賞必以安民為首務須嚴禁
兵將申明紀律凡歸順民人毋得擾害務体朕定
乱安民至意行間將領功罪察寔紀明類奏有犯

小過者當即起分至于分得撥什庫十長以下除
死罪外其餘大小罪過俱與中將商酌往行處分
爾受茲重任益宜竭盡忠力勉之欽哉 順天巡
按陳棊疏荐隱居薊州故明進士李孔昭容城縣
故明舉人孫奇逢下吏部考覈酌用

癸亥

陞遵化副將劉永亨為都督僉事管浙江紹興副
將事叅將管浙江温州副將事胡來覲為山西寧
武關副將叅將管大同陽和副將事彭有德為浙
江杭州城守副將

甲子

邗剡大霧四塞如細雨色青白 命福建道試監
察御史石應泰巡按浙江廣西道試監察御史米
襄巡江西四川道試監察御史趙如瑾巡按福建

乙丑

允吏部議各衙門通事外部俱以州縣佐貳考用

丙寅

以尊上

懿靖大貴妃

康惠滌妃尊號祭告

太廟遣內大臣伯索尼行礼 陞兵部右侍郎李化
熙為刑部尚書 以接濟辰州軍需功陞湖北道
僉事刘昇祚為叅議 授補國公翁古宗室喇篤
祐為鎮國公巴哈為三寺補國將軍
丁卯

上詣

懿靖大貴妃

康惠湫妃西宮奉冊上尊号行礼

懿靖大貴妃冊文曰贊坤元而敷教懋德惟勤景徽
範以致隆令名有湫式循彛憲肇舉上儀

皇考大貴妃賦性柔嘉秉公湫善慎威儀而有節
先皇資翼佐之賢修蘋藻而克偕浚宮著肅雍之譽
体既符于聖順位宜踰于崇高匪晉嘉祿曷揚燬
行謹以金冊尊為

皇考懿靖大貴妃昌齡弥茂宣內則之夙媿戩穀方
來覩履祥之叶吉謹言

康惠湫妃冊文曰柔嘉惟則贊襄彰坤教之隆義問
攸崇典冊展懿親之奉慶諧宮闈祖具彛章

皇考湫妃秉德安貞持身恭慎珩璜中節著昧旦之
良規畜史端儀佐永乾之令規既行臻于備美宜

頌協於減嘉爰晉榮祿用昭徽範謹以金冊尊為
皇考康惠淑妃慶茂善積式凝康豫之祥位以德升
彌篤顯榮之祐謹言

戊辰以

西宮尊號禮成

上御太和殿諸王群臣行慶賀禮 大率士范文程
等以各直省錢糧每年缺額至四百餘萬賦虧餉
誣係上具屯四事一在兵屯選舉得人一在開墾
收穫如法一在積貯轉運有方一在責成賞罰必
信得旨這本奏的是着議政諸王及大臣等會議

具奏 定諸王以下公以上至

御前及進午門隨從嘏員數叔和碩鄭親王進午門
隨嘏十員至

御前隨嘏一員和碩親王進午門隨嘏六員世子多

羅郡王進午門隨嘏五員多羅貝勒進午門隨嘏

四員固山貝子進午門隨嘏三員公進午門隨嘏

二員至

御前各隨嘏一員元旦及

萬壽節赴宴隨從嘏員俱令隨坐于後 空固倫公

主和碩福金以下一品命婦以上進大內隨從人

數凡元旦冬至

皇太后聖壽節

皇后千秋節固倫公主和碩福金以下將慶賀禮
各具礼服昭定例各轎車並設儀仗其儀仗止于
紫禁城外昭原定處下轎車固倫公主叔和碩鄭
親王和碩福金各隨從五人和碩公主和碩福金
世子福金和碩格、各隨從四人多羅福金多羅
格：各隨從三人多羅貝勒福金多羅貝勒女多
羅格：各隨從二人固山福金固山格：公夫人
及公女以下固山額真尚書精奇尼哈番命婦以

上各隨從一人俱候旨入朝

大清世祖體天隆運英睿欽文大德弘功至仁純孝
章皇帝寔錄卷之七十

順治九年十一月己巳朔

庚午

命固山額真卓羅為靖南將軍同固山額真藍拜
等統官兵征廣東未定州縣賜之勅曰今逆賊侵
犯廣西卓羅以爾為靖南將軍同藍拜總統官兵
前赴廣東平南王尚可喜靖南王耿繼茂處廣西
逆賊倘延擾廣東爾等與二王計議相機剷除若
賊不入廣東爾等計議二王將本省未定府州縣

相机平定凡事与梅勅章京等計議而行毋謂自
知不聽人言毋謂兵強輕視逆寇仍嚴偵探毋致
疎虞抗拒不順者戮之迫而後降者誅之有先被
賊脅從聞大兵一至即時迎降者俱免誅戮如有
殺賊擒賊投誠者仍別分陞賞務以安民為首務
須禁兵將申明紀律凡歸順人民毋得擾害務俾
朕定亂安民至意行間將領功罪察寔紀明彙奏
有犯小過者當即處分至于分得撥什庫十長以
下除死罪外其餘大小罪過俱与眾將商酌徑行
處分尔受茲重任宜益竭盡忠力勉之欽哉 贈

殉難直隸慶雲縣張必科為山東按察司僉事廕
一子入監讀書並予祭葬如例

壬申

大孝士范文程等以睿王時劾馮銓罷官諸臣疏
入見

上語曰朕夢列旗吹角对天稽首復見敵兵射來三
四矢俱手接之未及身又夢天遣五人言默助朕
躬其状态如素識范文程解之曰逆者命和碩敬
謹親王討賊想渠魁就擒耳且对天稽首天心默
祐兆俱吉甚

上閱諸臣劾疏畢謂文程等曰諸臣劾馮銓於理誠當何為以此罷邪文程對曰諸臣劾疏大臣無非為君為國

皇上當思所以愛惜之

上曰然朕將思之遂由踪于中復顧爾布什一

精奇尼哈番李率泰二阿等思哈、當

癸酉

復補原任江西道監察御史張鳴駿原官

甲戌

遣廣東道試監察御史牟雲龍巡漕

乙亥

勅諭朝鮮國王李滉禮部題奏准鎮守盛京等處昂邦章京葉克書等咨稱朝鮮國別克屯城住官金思尚所管沈尚義來至正白旗包下產參地方東阿西牛兒磨山採參被包下噶布喇半錄撥什庫張友掣獲送審沈尚義回稱我們來該管官不知我們為採撥皮松子而來者見人參採了五根是實一行十人尼木初力弼為首及問十人姓名尚羨云止記得牛春經伊牛春拉密半納密尤納頂納密布格基尼木初力弼連我八人再西人不

知沈尚義已經等獲者守礼部以此緣由奏聞朕
思已定地界不許擅越採捕禁令已久今沈尚義
等違禁例而越境採參殊不合理盜參事小封疆
事大若弗禁約後犯必多今差內院李士蘊納海
梅勒章京胡沙理事官谷兒馬洪等賈帶被獲之
人至王前訊明擬議具奏故諭 多羅安郡王岳
樂包衣牛录下拜三之妻以爭家費事訴其牛录
章京賽閔等于王 不送部擅行審結事覓罰王
銀一千兩

丁丑

遣廣東道試監察御史焦疏瑞巡按宣大

戊寅

諭吏部曰原任科道官許作梅李森先桑芸向王
軒莊憲祖內係泰馮銓降草的都着起用若別有
事故降草的詳察議奏 轉兵部右侍郎李元昂
為本部左侍郎 夜霧色青白如細雨 裁併直
隸興州前衛于開平衛興州左衛于薊州衛營州
前衛于涿鹿衛武青衛于通州左衛通州衛屯地
于本州左衛 以拜他喇布勒哈番格伊音襲其
父雍舜之二子阿思哈 番為一子阿思哈 番

兼一拖沙喇哈番拜他喇布勒哈番拜賽囊其伯
拜音岱之一等阿達哈：番為三等阿思哈：番
以故二等阿達哈：番車格度兄車倫三等阿
達哈：番朱因弼子捕拜他喇布勒哈番兼一拖
沙喇哈番訥穆音弟俄喀爾各襲職 叙江杭州
軍功加一等阿思哈：番兼一拖沙喇哈番劉之
源為三等精奇尼哈番 叙克舟山登城功授張
良華為拜他喇布勒哈番賜名巴音魯

己卯

諭兵部曰覽平西王固山額真墨勒根墩捷奏朕

心嘉悅特發內庫內監衣帽馬匹等物大賚行間
諸臣平西王着賞貂帽一頂貂袍一襲貂褂一件
靴一双鍍金玲瓏鞵帶一束鍍金玲瓏腰刀一口
鍍金盔甲一頂副鍍金玲瓏撤袋一副了矢一具
鍍金玲瓏鞍轡一副馬一匹固山額真墨勒根墩着
賞貂帽一頂貂袍一襲靴一双鍍金玲瓏鞵帶一
束鍍金玲瓏腰刀一口鍍金盔甲一頂副鍍金玲
瓏撤袋一副了矢一具玲瓏鞍一副馬一匹其梅
勒章京巡撫總兵官玉標下管兵精奇尼哈番以
下各官及督守城池巡按將發去貂鼠狐腋蟒衣

二十襲帽二十頂靴二十隻鍍金盔甲十頂付鍍
金玲瓏鞵帶二十付鍍金玲瓏腰刀二十口鍍金
玲瓏撒袋十付弓矢全具皮鞍二十付馬二十匹
羊皮蟒衣三十套鑲領緞衣五十襲着平西王同
固山額真墨勒根蝦酌量賞給其在陣出力搭什
庫千把總以及兵丁着戶部發銀五千兩併听平
西王固山額真墨勒根蝦分別酌量賞給仍差蝦
二員兵部官一員齎送軍前以昭朕勸功至意

庚辰

宗人府奏多羅貝勒杜爾祐以所屬三等蝦塞稜

道遇其妃不下馬傍立竟衝道行馬絆妃車輪以
致傾覆遂私執塞稜訴于衙門及訊塞稜云向曾
避立實未衝道以馬逸致車覆耳杜爾祐誣枉私
執應罰銀千兩塞稜令歸本牛录与其兄弟仝地
奏入詔罰杜爾祐銀伍百兩塞稜如議

辛巳

以朱昌祚為宗人府啟心郎岳思泰為內翰林弘
文院侍讀以礮白旗滿洲固山通糧為擺牙喇
甲喇章京

甲申

諭喀爾哈部落土謝番汗車臣汗伊思丹津喇嘛
等曰爾等為四九牲畜來奏輒言賞例如前則再
不來貢此其一又言逃人有在貝子大臣講和以
前去者有在後去者注來私行何以稱和此其一
朕所遣使遲至兩月餘乃令先拜塔而後見爾等
此其一為此三事朕故不復遣使朕為天下國家
之主爾乃彈丸小國之長以方物來貢朕酌量賞
賚即云微薄亦宜奏請增益乃輒例如前言賞則
九畜不貢爾等將欲構衅乎如以逃人為詞既不
還我巴林人畜及召為首貝子又復不至尚何逃

人之可言若尽还巴林人畜為首貝子前來視同
一國誓言修好始可候旨定奪乃不还人畜為首
貝子不來修好堅其信誓而為此大言是爾等終
無誠心而故云爾也朕荷天眷四海一統爾彈丸
小國偏處一方爾所明知勿恃道里遠遠毋听奸
邪言詞以敗和好此朕開誠相示也自古以來曲
者曲直者直悉聽天鑒尔等所知今速將我國
所有人畜併額貢駝馬遣為首貝勒貝子大臣來
覲則已否則後悔自貽伊感于朕無預可亟自詳
慮裁處勿更延緩而失和好也 詔諸王宗室內

有孝友義順及守節貞烈者聽宗人府核寔具奏
禮部照例即行旌表 吏科右給事中魏裔介疏
言科都員缺請停調用照旧于左右給事中內陞
補用昭畫一得旨吏科都給事中員缺陞補定為
常例果有為國為民不阿不私優于應陞者本衙
門批實保奏候旨調用 加兵部取方司郎中卜
兆麟太僕寺少卿仍管司事 定平西王定南王
靖南王平南王福金帽頂像仗車轎俱照女子福
金例

乙酉

諭礼部曰明末寇陷都城君死社稷當時文武諸
臣中豈無一二殉君死難者幽忠難泯大節可風
尔部会全院部等衙門堂上官詳訪確察死節取
名并實蹟具奏勿遺勿濫 都察院左都御史房
可壯等言今日閩海之交寔閩撫張學聖以貪穢
啟之也海寇雖批厦門然波恬數載學聖不能彰
目威而布

皇仁乃探波遠出覲其原資率鎮臣馬得功道臣黃
澍直入致菓席捲其所有致寇以索取原物為名
稱兵煽禍又不聞奉聖整師遏剝顧借出巡以遠

避且謝事以養疴任地方之糜爛而弭救無術後
効難期誤國釀亂學聖之罪安可逃哉至按臣王
應元職任糾彈明知撫臣之貪而無一言上奏亦
將何以自解也下吏兵二部察議
己丑冬至祀

天於

園丘 遣官祭

福陵

昭陵

四祖陵

庚寅冬至節

上朝

皇太后畢瀆殿諸王群臣行慶賀礼五妃及諸大臣
命婦詣

皇太后行慶賀礼 夜客星犯參畢氣蒼白 湖廣

辰常總兵左都督徐勇與黔教白文選戰敗死之

辛卯

定遠大將軍和碩敏謹親王尼堪歿于陣年四十
三追封和碩莊親王 以軍功授外藩蒙古固山
額真巴朱泰阿布泰都爾東達爾式達穆為拜喇

布勒哈番固山額真噶爾音那木兒布尔忒黑布
達爾巴顏岱噶爾瑪什希布博第穆德吳喇泰巴
特馬達爾漢瑣諾木噶塞桑布內班第梅勒章京
額嵩拜賽擺達爾布尔噶圖葉伯舒蘓海達漢特
木德色冷伊爾登巴達札阿玉錫哈巴諾木齊甲
喇章京吳賴巴圖布都麻爾那噶忒馬尼孔科岱
巴布為拖沙喇哈番

壬辰

日生左珥旋生右珥色赤黃

上召吏部尚書朱馬喇侍郎上賴啟心郎審古里論

之曰銓部召用人首部允有銓選應用才能合朕
聞有援引親黨及納賄營私者此後務矢公忠必
視才能選授如此則天下之民可以無憂朕心安
而部目亦得自懽矣爾可傳爾諭部從尚書侍郎
及理事官副理事官筆帖式哈番郎中員外主事
知悉

甲午

刑科給事中趙進美言明末死節諸臣蒙諭察訪
異代忠魂固已仰沾

聖澤矣然元二年間亦有未達天心徒抱片節

之志百折靡悔者雖抗順之罪無辭斧鉞而授命
之義不忝昔賢并祈勅部核實表彰以作忠義命
所司議奏

乙未

上御五鳳樓召六部諸臣諭之曰人言各部咸通賄
賂朕固知尔等大臣不然。曹屬貪污尔等姑
息瞻徇不肯舉發之故尔等若果善。惡。正以
繩之則下何敢貪污尔諸臣或屬旧臣或係新拔
余宜國体厚恩堅持忠潔以愛養斯民。安斯國
治國治斯君臣全樂矣若此之不思仍蹈前轍朕

不尔有功無功尽置重典是尔等自喪乃身耳又
或有將部中審結之事称枉復訴者命尔復審並
未見尔等認過申理如此民冤何由得伸復謂吏
兵西部諸臣曰朕以尔西部授官行賄私愛者處
以腹内善地無憎惡者賄置之邊遠惡地夫民之
休戚視吏之良否如以賄授官則良吏何自而升
民生何由而遂自今尔諸部臣宜飭躬率下旌別
淑慝以効忠奉職為務諸部臣對曰

聖諭及此臣等何辭以对嗣後各當潔已奉公仰副
聖懷 調刑部右侍郎張昂延為兵部右侍郎 免

山西忻州樂平等州縣本年水雹水災額賦有差
喀爾喀土謝音汗下代青諾顏等貢馬宴賚如
例

十二月己亥朔

庚子

兵部議福建提標都司李淮赴任違限三月應降
一級調用得旨李淮着降一級照旧管事以後違
限官負應降級者俱照此例不必調用 以平南
王下故三寺阿思哈：番班志富子際盛靖南王
下故三寺阿達哈：番張拱辰兄拱垣各襲職

辛丑

先是茫羌叅議胡全才以守城功陞寧巡撫夏後
以擅給劄付濫刑斃命革職全才控辯部議全才
功大過小應還叅議職從之 免山西太原府平
陽汾州府遼州沁州澤州所屬絳州太原等四十
四州縣本年水災額賦有差 戶科給事中陳協
言古者記德功：莫重于謚法迨於明末高名上
謚僅加于崇官近戚而独行沉淪未聞表彰非制
之善也祈勅部集議允蒙卹大臣宜訪其行寔為
輿論推服者定議予謚至前朝徇難諸臣亦宜各

加品秩優以易名之典以示闡幽之意下所司察
議

壬寅

諭戶部曰清苑縣民路斯行等控告房地被王儀
等奪帶投充朕命大臣及九卿各官會審批奏路
斯行等三百餘人房地戶部撥給王儀等未曾補
还原非王儀等帶投索眾民不告未得地土情由
謬執王儀等帶投屢次擾奏以故屢受刑責朕念
王儀等八庄与三百餘人皆係朕民眾民既已不
得房地又復屢受刑責目將戶部尚書車克等及

原任知縣周瑞分別處分記今將王儀等所領八
庄房地退還受責之三百餘人仍全免九年地租
以示朕愛養小民之意此外各地方凡係戶部圈
給地土不得妄援此例瀆告取罪 兵部題總理
盜儀衛事內大臣公邁必隆銜名應与該官全從
之 江西巡撫蔡士英奏報官兵恢復安福永新
二縣下兵部知之

癸卯

河道總督楊方興疏言清口為淮黃交匯之處伏
秋淮弱黃強黃遂納淮前人置閘築埝原以防濁

沙淤澱之患自開禁廢弛歲需挑濬為費不貲今
請於清江通濟二閘適中處尋福具閘旧址先行
修復啟一閉二以時蓄洩可歲省無挑濬之費命
所司議奏 礼科都給事中高桂疏言甲申三月
流寇已陷京城臣鄉保定猶嬰城固守及城陷以
身殉國者守土則有知府何復同知邵宗懸太監
方正化鄉紳則有光祿少卿張羅彥御史金毓峒
都指揮劉忠嗣武進士張羅輔奉人張爾翬高涇
張羅輔一門尤為慘烈死者凡二十餘人當寇熾
方熾在：風靡而保定一城仗節効死于都城既

破之後忠義之風真可維世祈勅部詳察褒錄命
所司確議以聞

甲辰

厄魯得部落巴音魯諾顏等進貢方物宴賚如例
改武成從二品封贈鎮國將軍為驍騎將軍以
鎮國字義同宗室封爵故也 吏科右給事中魏
裔介疏列故明兵部尚書張縉彥素行匪類身任
中樞一籌莫展賊騎長驅匿不以聞當都城破日
為內監王德化發憤毆擊是其喪心無耻雖閣官
耻与為伍不忠于明朝者必不忠于我

朝縉彥不應在起用之列命吏部察議

乙巳

草河南汝南道僉事王家楫取以巡按王亮教劾其貪黷故也命江陰縣歲解子帑屯通沂折色著為令初阳和叅將彭有德已陞杭州副將至是阳和軍民保苗部議准以新陞副將浙仍由本任蒞之夜月生暈

丙午

以粵東浙定錢糧不敷撤靖南將軍固山額真卓羅等官兵回京兵科給事中王廷諫言

皇恩褒忠無外而在廷論列僅奉死難之臣未及抗節之臣竊按故明閣臣史可法嬰城固守擁兵不下科臣左懋第受命請和抗詞不屈雖其逆顏強項有負天高地厚之恩而原其殺身成仁實闕綱常倫紀之大是抗節與死難殆似異而心則同也伏請

聖明裁酌並賜褒錄命所司詳訪確議以聞

丁未

贈巡撫寧夏都察院右副都御史李鑑為兵部右侍郎廕一子入監讀書陝西巡按王佐疏舉節

孝華州民劉大器女年三歲喪十二歲母病矢志
不字日與兩兄分產均養寡母迨兄嫂俱歿女志
益堅撫育幼侄以至成立迄今年八十四歲藍田
縣庠生張慈妻王氏年二十七夫歿號慟歎以身
殉不粒食者五日翁勉慰之始食事翁姑恭養至
禮訓育二子並列饗序守節五十六年下禮部知
之宗人府等衙門覈工科副理事官散都疏議
每旗各設宗學每季用學行兼優滿漢官各一員
為之師範凡未封宗室之子年十歲已上者俱入
宗彙有放縱不循禮法者學師具報宗人府小則

訓責大則奏聞其親王世子郡王亦應選用滿漢
官各一員講論經史員勅以下俱應勤加講閱以
昭成就宗室人之意得旨每固山設滿洲官教
習滿書其漢書听從其便

己酉

喀爾喀部落喇瑪達爾達爾漢諾顏等來貢方物
宴賚如例都察院左都御史房可壯等疏劾寧
夏撫臣孫茂蘭貪婪剛愎物議沸騰不宜在節鉞
之任命吏部察議兵部題定一甲第三名武進
士初授官職以都司余書管掌印都司事著為令

兵科給事中王廷諫疏言清盜源必嚴窩主如
旗下莊頭投充等輩俱為法所不及彼何憚而不
為憲主乎祈教嚴加体訪有窩盜者不論何人一
体依律治罪庶窩主畏法而盜可潛消矣得旨着
所司速議搜捕嚴法以聞

庚戌

上幸南苑駐蹕舊館

辛亥

工科副理事官散都言部院衙門分理庶務必藉
文移往來正副理事官曉通文義方不為晉役所

欺今後正付理事官有缺應不拘衙門慎選通達
文理練達事体者充之母得濫用以滋蒙蔽命吏
部議奏 戶部左侍郎王永吉疏言投充流弊大
害有五而意外之隱憂不與焉投充翼虎噬人以
致告訐紛爭司農司寇之堂闕然如市甚至鳴冤
闕下捐生禁中褻

朝廷而奈賊掌一也惡棍罔享豐腴良民反遭凍餒
平故伐樹拋家棄產失幾補百姓之心二也旗下
多一投充則

皇上少土地民人減戶口而虧賦稅三也諸王大臣

賜賚不妨從厚若濫受投充有並尊耦國之嫌四也旗下廝卷縱橫家法皆撫不敢問有司不敢詰廢國家之成憲五也至於投充皆兇頑亡命之徒根株蔓引線索瓚通方一巨奸大慙竄入其間窺探既久恐生肘腋之患又不止于怙勢為非而已章下所司

壬子

上在南苑自日銀移蹕新館以尼勘為大理寺卿
裁吏部理事官付理事官各五員戶部理事官
付理事官各四員寶泉蕃牧五品官各一員禮部

理事官四員宣讀官二員太常寺副理事官二員
迎送使七員兵部付理事官三員刑部理事官六
員付理事官四員工部理事官一員付理事官三
員寶源局五品官一員都察院理事官二員

癸丑

達賴喇嘛至謁

上于南苑

上賜坐賜宴達賴喇嘛進馬匹方物並納之夜有
流星大如彈丸色赤有光起自畢宿往來此行
陝西總督孟喬芳疏報番僧闖在已令真入貢方

物應換給勅書章下所司

乙卯

湖北巡按聶珩疏奉節孝漢陽縣民杜尚忠割股
療繼母病黃陂縣民徐遠還割股療父病親歿
墓三年漢川縣民龍納妻王氏夫病割股和藥
夫歿守節事姑克尽孝養黃岡縣民陶光先妻刘
氏自二十岁守節歷五十四年蘄州民張忠祿妻
廖氏自二十三岁守節歷四十一年俱于例宜旌
章下禮部

戊午

上還宮

陞吏科給事中蘓文樞為礼科右給事中
高辛胤為兵科右給事中 補原任福建道監察

御史李之奇原官 陞山東右布政使胡章為廣

東布政使司左布政使工部主事張安茂為浙江

按察司僉事提調李政 奏米九百石銀四百兩

賑京城飢民 廣東巡撫李栖鳳疏報山賊攻陷

香山縣知縣張令憲父子被執不屈俱遇害提兵

吳進功等督兵恢復縣城下所司知之 李

棲鳳又題暹羅國請換給勅印勘合以便入貢下

部速議

己未

調安西將軍燾章京阿尔津為定南將軍全固山
額真馬喇希等統官兵往征湖廣辰常逆賊賜之
勅曰今逆賊侵犯湖廣辰州府阿尔津以尔為定
南將軍同馬喇希總統官兵前往湖廣辰州常德
地方有賊之處即行剿滅其荆襄等處有賊一併
掃蕩續順公沈永忠提督總兵官柯永盛固山大
額色等曾諭駐宝慶尔等相機互相策應務期莫
安楚地凡事与梅勒章京等會議而行毋謂自知
不聽人言毋謂兵強輕視逆寇仍嚴偵探勿致疎

虞抗拒不順者戮之迫而後降者誅之有先被賊
協逆聞大兵一至即時迎降者俱免誅戮如有殺
賊擒賊投誠者仍分別陞賞必以安民為首務須
嚴禁兵將申明紀律凡歸順人民毋得擾害務俾
朕定亂安民之意行間將領功罪察實紀明彙奏
有犯小過者當即處分至於分得撥什庫十長以
下除死罪外其餘大小罪過俱眾商酌徑行處分
尔受茲重任益宜勉勵欽哉

庚申

巴喀庫魯克苗喇嘛等表貢方物 予一等阿思

哈：番綽備祭如例 江寧巡按上官鉅疏奉節
孝貞烈合肥果民曹維清凶岁減食供母遭乱負
母山居母有疾侍藥不懈旌德縣生員方士達母
喪序墓一年事继母曲尽孝養高淳縣民邢道悌
妻素氏娶源縣民戴元利妻鄭氏建德縣生員王
之冕妻孔氏當塗縣監生朱还淳妻謝氏太湖縣
鄉紳馬人龍妻巢氏當塗縣民唐秉極妻曹氏鳳
陽縣民邵經妻黃氏皆少寡守志誓死不二或訓
子或訓孫俱至成立南陵縣儒士秦邦欽妻宦氏
夫歿守節事姑訓子鳳儀登賢書孫仁管才官同

成進士和州鄉紳班慈妻湯氏早岁孀居訓子成
立高淳縣民傅懋哲妻孔氏年二十夫亡母欲奪
其志誓死不改變撫幼子成人怀寧果貢生高陞
妻刘氏兵乱被執欲污之罵不絕口遂遇害太湖
縣生員余旦妻王氏年十七兵乱被執持刃脅之
引賊刃自刻太湖縣鄉紳雷永祚妻汪氏寇陷城
闔門自刎其妾刘氏子廷謙亦触牆而死鳳陽縣
民陳兆麒妻孫氏有兵操刃欲脅污之氏力拒大
號得脫遂自殺定遠縣民女徐純懿年十四未嫁
夫死誓不再字又母歿撫訓二弟成立亳州民張

小四女年十四有隣人陳申欲強污之女力拒大罵為申所殺俱於例宜旌章下礼部

辛酉

遣廣西道試監察御史朱虛巡按甘肅遣官祭內翰林弘文院大孝士希福吏部言衍聖公孔興燮請將陪祀族人刑部員外郎孔胤樾主事孔自洙照例優擢查旧例孔氏中書行人幸學陪祀者應与考選胤樾自洙應量調礼兵二部用報可工部言直隸保安人王之藩忽倡開礦之議查故明萬曆時差官開礦徒虧工本無裨國計而差

官乘机射利遍肆索詐掘人塚墓毀人田廬不勝其擾前事甚明應嚴行禁革

上是之

壬戌

諭刑部曰朕惟旌善必褒頌德除惡務去渠魁乃有元兇巨盜李應試潘文學盤踞都下多歷年所官民震懾莫敢撻鋒今日別事發覺朕命卞和頌鄭親王及內大臣內院刑部大臣公同鞠問審得李應試別名黃臙李三原係明朝重犯漏網出柙專一聚養強盜勾聚奸梟交結官司役使濇盡遠

迎盜賊競輸重賞南城舖行盡納常例明作威福
暗操生殺所喜者即有邪黨代為市恩所憎者即
有兇徒力為傾害他若崇父門一應稅務自立規
則擅抽課錢恣姪殺人死者之家不敢申訴諸如
此類罪不勝數潘文季身充馬販潛通賊線批聚
應健馬羸接濟遠近盜賊每次多或一二百匹頭
少或數十匹頭群盜得騎如虎生翼且交通官吏
打点衙門包攬不公不法之事任意具減甚至文
武官員多与投刺會飲道路側目不敢誰何以上
二犯罪大惡極奉國官民人等皆言罪當萬死故

將李應試潘文學併伊子姪俱行梟斬又蠹惡高
思敬高三王國損顧麟槐啟撞李之棟李東明刘
文登等或窩盜得贖或行賄縱寇反諸不赦罪狀
俱有書信文約確批遂一併正法又兵科都給事
中李運長身為言官反与李應試姪李天鳳聯宗
認為兄弟應試惡跡盈滿奉國痛恨運長既不能
剔發奸惡復往來親密將天鳳子李慕冒作己子
充送官監及事發竟運長又不舉首仍藏匿天鳳
子希音幸免運長法不可宥其子亦應連坐家產
亦應籍沒姑從寬典止誅運長及李慕宥釋運長

親子全給家產以示法外之恩自今以後凡大奸
大盜各衙門應緝捕者亟行緝捕應叅奏者指名
叅奏勿得徇縱以取罪戾内外文武大小官員除
他徃不究外如再有与奸盜往來者事發定行連
坐決不姑貸 厄魯得部落顧寔汗表貢方物兼
請達賴喇嘛還國

癸亥

先是平南將軍固山額真金礪等以福建餘孽盤
踞海澄請增發大兵攻取移文兵部兵部具題命
議政王大臣會議至是議改王等議于駐防江寧

府兵內分撥三百駐防杭州府兵內發撥三百與
厄黑里等率往江寧府兵五百共定兵一千令額
黑里吳庫里吳汝玠統赴福建再于已撤固山額
真卓羅等所統官兵內分撥二旅一令梅勒章京
噶賴等統赴江寧府代戍其餘官兵令固山額真
車羅等統領回京允之 諭都察院六科十四道
曰尔等為朕耳目之官凡官邪民蠹皆得廉實糾
發所以通壅蔽鋤党惡也近如李應試潘文李等
通盜害民幸以他事發覓獲以窮究根底正法迄
其未經發覓前李應試把持衙門毒害小民奉國

痛恨入髓尔等敢居言路何以默無一言果屬不知己為解職惡跡既著憚于舉發明是長惡長惡之罪尔等何詞除已注不究外尔等自思人臣事君立身行己一秉法度事、關切君父豈容曲庇奸惡奸惡去則民安民安朕心始安尔等豈不知之盡心報效與長奸容惡孰得孰失 若再有前此狗庇等情法不尔貸以後各宜省惕不負尔官乃不負朕厚望言官之意 詔原任給事中許作梅御史李森先以原官起用 陞刑科左給事中魏象樞為吏科都給事中 工部言計臣王永吉

按臣秦世禎請以蘆課歸併有司誠以丈量催捉等弊重為民擾也但各州縣正項錢糧尚虧定額恐蘆課零星分散逋欠益多今後蘆課應仍歸主事每五年一次量止丈新漲新坍之地漲者增額坍者開除如不漲坍毋得重大以滋騷擾報可

甲子

免陝西長武武果本年雹灾額賦 蘓松巡按秦世禎疏奉節孝貞烈興化縣生員陳嘉謨年二十父弘道為仇家誣繫嘉謨痛父冤刺血訴神宙書別婦遂自沉而死父冤得白無錫縣民高應豕聘妻

王氏未娶而氏亡方議續聘而父死痛不得父命
遂終身不娶吳江縣民王昂臣父之樾素以孝稱
昂臣克肖父行且好善樂施克肖父行歲飢捐粟
活民甚衆官欲旌之固辭願求旌父孝嘉定縣生
員楊兆紳女未嫁夫死迎姑至家剪髮題詩付姑
遠自裁上海縣民周昂臣女江陰縣民吳正己女
俱未嫁夫死守節不字豐縣民金荷生妻程氏嫁
兩月夫死越三日遂自縊山陽縣民王啟禎妻周
氏嫁三月夫死終喪衣喪服自縊太倉州民龔孟
理妻呂氏上海縣生員喬軫妻馬氏江陰縣民錢

含素妻趙氏安東縣民王繼祚妻韓氏江都縣民
劉光祚妻陳氏皆少寡無子矢死不貳常熟縣民
徐茂滋妻蕭氏吳縣民張余妻閔氏武進縣民潘
培妻陳氏靖江縣民呂志茂妻繆氏丹徒縣民周
大順妻盧氏安東縣生員吳之瓚妻呂氏陽山縣
儒士屈尚礼妻劉氏寶應縣民朱天耀妻仲氏泰
州生員田大有妻王氏泰州民于應鰲妻戚氏如
皋縣民秦承業妻張氏皆終身抗節撫孤成立俱
於例宜旌浙江巡按杜果疏奉節婦慈谿縣儒士
翁日登妻邵氏年十九夫亡養姑撫子守節五十

餘年終例宜旌江西巡按張嘉疏舉孝順節烈鄱
陽縣民江德年十五時三割股以療親疾兵亂負
母遠避母歿棄妻子廬墓有虎至德与之伍色不
少安人咸異之寧州民陳其理父病祈以身代繼
母得其歡心以己產分其幼弟終無所私新建縣
民熊昂草其父文舉于國初投順本朝祖洪在籍
為偽弘光有司所禁昂草以身代繫其祖母得釋
昂草竟死繫所長寧縣生員潘天才妻王氏年二
十二夫歿無子有豪富強娶之誓死不奪永豐縣
民聶怡元妻袁氏夫歿年甫十八守節事舅姑撫

幼子成立廬陵縣生員劉護妻孟秋姑兵亂時聞
賊至登樓自縊廬陵縣生員女李降姑字孟丑未
嫁兵亂時先與孟秋姑約誓不為賊辱比賊至與
秋姑同死湖口縣生員沈士範女大姐字周應侯
未婚而應侯死隨父往吊剪髮毀容誓不再適俱
于例宜旌章並下所司

丙寅歲暮享

太廟 遣官祭

福陵

昭陵

四祖陵 祭太歲月將之神

丁卯

宴內大臣嘏并大孝士漢尚書于中和殿賜大學
洪陳疇陳名夏陳之遴尚書高爾僕胡世安金之
俊李化熙張鳳翔貂鑲朝服各一襲諭之曰尔皆
朕倚任大臣若能潔已奉公屬員自尔效法倘貪
黷相尚必至顛倒是非不但作孽非輕抑且國法
難宥尔等其思之 是岁人丁戶口一千四百四
十八萬三千三百五十八田地山蕩四百三萬三
千九百二十五頃四畝有奇畦地二萬二千九百

八十个徵銀二千一百二十六萬一千三百八十
三兩五錢有奇米麥苴五百六十二萬八千七百
一十一石一斗有奇草五百二十一萬六千八百
四十束中茶三萬七千一百七十八籠行鹽三百
七十四萬六千二百二十三引徵課銀二百一十二萬
二千一十四兩二錢有奇鑄制錢二十萬九千七
百六十三萬三千八百五十有奇銅錢二十萬一
千二百一十有奇鈔一十二萬八千一百七十二
貫四百七十有奇



